

Cartulaire de l'Abbaye de Redon en Bretagne: [832–1124], Nr. 58

Magnifico viro fratri nomine Dreuualloni, presbytero, emptori, nos enim, in Dei nomine, Maenuuallon et Eli venditores constat nos tibi vendidimus et ita vendidimus rem proprietatis nostrae, hoc est, terram nuncupantem tegrann Ambonn, totum et ad integrum, cum terris, pratis, pascuis, aquis, exclusa in Visnoniam, et cum omni supraposito suo de iure nostro in tua tradidimus potestate vel dominatione, unde accepimus a te precium in quo nobis bene complacuit, illis presentibus qui subter tenentur incerti, cum uno colone nomine Haelhoiaro et semine eius, habeas, teneas, possideas, facias et inde quicquid volueris, ita ut ab hodierna die quicquid exinde facere volueris, iure proprietario, liberam et firmissimam in omnibus habeas potestatem ad faciendum, hoc est precium solidos .XVI. et denarios .VI.; alligamus itaque tibi fideiussores vel dilisidos in securitate ipsius terrae his nominibus: Arthuuiu, Uuallon, Matfred, Uuatin, Catlouuen, Tiarnan, Judrich, Mael, Jarnhitin, Uuetenoc, Catuuodu, Abraham et ipsius coloni, sitam in pago nuncupantem Brouueroc, in condita plebe Placito, super flumen Visnoniam; his presentibus actum fuit: Eudon, presbyter, testis; Guandromaer, testis; Beatus, clericus, testis; Haeluuoc, testis; Branoc, testis; Iarnuuoc, testis; Riuuoret, testis; Liuuetton, testis; Notolic, testis; Iuduuallon, testis; Catloiant, testis; Tanetuueten, testis. Factum est hoc super ipsam terram .III. feria, .II. kal. mai, Nominoe Brittannia et Susanno episcopo Venetis civitatis; et ego, Haeldetuuido, abbas, scripsi et subscripsi.